

**Grad Novi Pazar
Skupština grada
Odbornička grupa SDA Sandžaka
Novi Pazar
10. septembar 2022. godine**

**P R E D S J E D N I K U
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O OSTVARIVANJU PRAVA NA SLUŽBENU UPOTREBU BOSANSKOG JEZIKA I PISMA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 12. septembra 2022. godine.

Ovlašteni predstavnik Odborničke grupe SDA Sandžaka je odbornik Saima Brunčević msc pravnih nauka.

**Predsjednik odborničke grupe
Ahmedin Škrijelj**

PRIJEDLOG

Na osnovu člana 20. stav 1. tačka 10), člana 32. stav 1, tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19), člana 137. Poslovnika Skupštine grada Novog Pazara („Službeni list grada Novog Pazara“, broj 6/19) i člana 11. Odluke o službenoj upotrebi bosanskog jezika i pisma na području grada Novog Pazara („Službeni lista grada Novog Pazara“, broj 3/10), Skupština grada Novog Pazara na sjednici održanoj 12. septembra 2022. godine donosi

ODLUKU O DOSTAVLJANJU IZVJEŠTAJA O OSTVARIVANJU PRAVA NA SLUŽBENU UPOTREBU BOSANSKOG JEZIKA I PISMA

Član 1.

Obavezuje se Gradsko vijeće Grada Novog Pazara da Skupštini grada Novog Pazara podnese izvještaj o ostvarivanju prava na službenu upotrebu bosanskog jezika i pisma na području grada Novog Pazara u skladu sa Odlukom o službenoj upotrebi bosanskog jezika i pisma na području grada Novog Pazara

Gradsko vijeće grada Novog Pazara izvještaj iz stava 1. ovog člana podnijeće u roku od 30 dana od dana stupanja na snagu ove odluke.

Član 2.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, _____. _____. 2022. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov:

Pravni osnov za donošenje ove odluke sadržan je u:

- članovima 20. stav 1. tačka 10) i 32. stav 1, tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- članu 147. Statuta grada Novog Pazara („Službeni list grada Novog Pazara“, broj 6/19);
- članu 137. Poslovnika Skupštine grada Novog Pazara („Službeni list grada Novog Pazara“, broj 6/19);
- članu 11. Odluke o službenoj upotrebi bosanskog jezika i pisma na području grada Novog Pazara („Službeni lista grada Novog Pazara“, broj 3/10)

Razlozi za donošenje odluke:

Razlozi za donošenje ove odluke sadržani su u činjenici da iako je Odluka o službenoj upotrebi bosanskog jezika i pisma na području grada Novog Pazara donijeta još 2010. godine Gradsko vijeće nijednom do sada nije podnijelo izvještaj o ostvarivanju prava na službenu upotrebu bosanskog jezika i pisma na području grada Novog Pazara.

Imajući u vidu da je službena upotreba bosanskog jezika i pisma jedno od temeljnih identitetskih prava koja su Bošnjacima garantovani Ustavom i zakonima Republike Srbije neophodno je da Gradsko vijeće grada Novog Pazara podnese traženi izvještaj kako bi se na osnovu njega moglo cijeniti u kojoj mjeri organi javne vlasti poštuju i omogućavaju Bošnjacima pravo da u službenoj komunikaciji koriste svoj maternji jezik.

Činjenica da je od usvajanja ove odluke prošlo 12 godina a da do sada nijedan izvještaj o službenoj upotrebi bosanskog jezika i pisma nikada nije razmatran niti je podnjet od strane Gradskog vijeća govori o političkom stavu vladajućih struktura u lokalnoj samoupravi koje imaju kada je u pitanju ostvarivanje prava Bošnjaka u raznim oblastima društvenog života. Usvajanjem ove odluke prekida se neodgovaran odnos i zanemarivanje obaveza lokalne samouprave prema bošnjačkom narodu.

Objašnjenje pojedinačnih rješenja propisanih ovom odlukom:

Član 1. Utvrđen je predmet odluke te propisan rok za njeno izvršenje.

Član 2. Propisana je obaveza objavljivanja ove odluke u „Službenom listu grada Novog Pazara“.

Finansijska sredstva potrebna za realizaciju ove odluke nisu potrebna